

## **Nzryrkr Jon Kratq Natq Ngr Nzaplxtqngr Mz Nzryrkr Jon Kratq**

Mc 'Natq Ngr Nzaplxtqngr Mz Nrpakxmrlz Kx Yr Jon.' Mwx yrle letz lc mz yiz 90 o 91 AD mz nibr nzmrcngr mz Jiszs. Jon yrbzle letz kratq lc mz kzdq ncblo drtqde Gaizs. Ycmnetr-ngrde kxnamu lrmakxtr nzokatr-krdr krkcng tzvzpxng mz nzyapwxtipx-krdr Nrpakxmrlz. Rpile kx nqmq kr Gaizs mrlz murde okatrlle nidr, a' nqmq kr Diotrifcs trka, murde atrkatilc nidr. X rpi-kzpzle mz Gaizs kx narlr-ngrbzle mz Demitrizs nzalvztr-krde mz makxtr nyzdr. Mwx Jon kabzle letz lc mz Demitrizs mz nztwz-krbzlele mz Gaizs.

<sup>1</sup> Nim la, Gaizs. Ninge Jon, kxacivele lrmakxtr. Mrlzti-angidr-zlwzx nim.

<sup>2</sup> Mrlxngc mz Kraes, krka'-ngrne kx da amrlx namrlzbx bam, x naxplr q mz nrkrdrdq, da kc tqwai nzxplr-krm mz nzrlxngiti-krm.

<sup>3</sup> Eu, abrtztx-zlwz-ngrne nzxl-krngc nrpa kx nzrlwa-ngrmqng kzdung kztegung kx nzvzmqng mrka. Nzrpilr kx vz-nqblq-zvzpeq nzmncngr angidr mz nzlolvz-amqngi-krm Nrpakxmrlz.

<sup>4</sup> Nzabrtz-krngc myapx-esz'ngr nzxl-krngc nzvz-zvzkr doa nengeng mz nzvz-nqblq-krdr nzmncngr angidr.

*Nzmrlzkr Nqmq Kr Gaizs*

5-6 Mrlxnge, mzlegung kcng tzvzpxng mz nzalvztr-krdr Nrpakxmrlz, nzyapwxtipxpebzlr mz lrmakxtr mrka nzmrlz-krbz nivz lrm badr. X nzrpi-kzlr kx nzokatr-krm nidr vz zvz, kxmule-esz' trkrlywq nidr. X abrtztx-ngrne nzokatr-krm nidr mz nzmncngr kx takitrde nzaxvctr-krbzme mz Gct. X da kx mrlzm bange nzxlr-krngele, mzli kc narkalz-ngrmlr mztea nyzm, kabzme da kcng amrlx naokatrle nidr, mz nzlepx-krdr Nrpakxmrlz.

<sup>7</sup> Murde nzvzneng mz nzwztr-krbzlr mz Kraes, a' trnzrtwzpwzung dalr nzwz-krdr mz leplz kxnmnc-mrbrng kcng tzryapwxne badr.

<sup>8</sup> Mz nzm-krde lcde, takitrde nigu lrmakxtr nzokatr-krge nidr, mz nzngi-kzte-krge badr mz nzwzkr Kraes.

### *Bzkq Vz-nqblq Nqm q Kr Diotrifes*

<sup>9</sup> Yrbo da lc mz lrmakxtr mz mztea nyzmu. X pipxpebo nzmncngr angidr mz nzokatr-krmu leplz kcng tzvzneng mz nzalvztr-krdr Nrpakxmrlz. A' Diotrifes kc tqrtultr-lzbq mz nzngini-krde kxrmal, trlxngitileu nike pibo bamu.

<sup>10</sup> X mzli kc navz-ngrbo, sa nayapwxtipxbo nqm q krde mz lrmakxtr nyzmung, mz nzpiti-krde ninge mz natq kxtrka x nzpokia-krde. X da kx trka zlww, pxtxpx-ngrde nzadwatr-krde leplz lcng mz ma nyzde. X da kxtrkatx-esz' ngr kz, rpwa'-ngrbzle mz leplz kcng tzrpilr na-adwatrng mz ma nyzdr, x aprtxpxle nidr mz makxtr.

<sup>11</sup> Mrlxnge, bzkq vz-nqblq nqm q krde lcng tqtrka. A' vz-nqblqpww nzmncngr kxtubq, murde krkc tqalele da kxtubq, nide doa ne Gct.

A' krkc tqalele da kxtrka, trtxpznzng r nzkrlz-krde Gct.

*Nzokatrngr Demitrizs*

<sup>12</sup> Mzli kc navz-ngrm Demitrizs mz nzalvztr-krde mz makxtr nyzmu, naokatramu nide. X nim, kx Gaizs, na-adwatrq nide ma nyzm. Murde trtxpznzng da kx trkatrpz bade, x leplz amrlx nzrpilr kx nide ncblo kxmrlz. Krlzq kx trkrlzwxu nzpokianger, x napi-zpwxbo bamu kx nzalvztr-krdeng tubq.

*Natq Ngr Nzarlz-lzbqng*

<sup>13</sup> Da kqlu kx suti drtwrnge napibo bam, a' trpengr nzyro-krboleng mz letz lc.

<sup>14</sup> Murde rpix kx navzbo bam mz nzymnetr-kgi mz da kxkqlu.

<sup>15</sup> Kztem kcng mrka nzrpibzlr bam kx, "Nim la." X pibz mz kztenge kcng mrla amrlx kx rpibo badr kx, "Nimu la." Eu, nim lape. Krka'-ngrne kx nakabz Gct nzmnc-zpwxng bam.

Delape. Mrlztix nim. Ninge Jon.

**Nzryrngrkxtr Kc Ate Rut x Sam**  
**The New Testament plus Ruth and Psalms is the**  
**Natügu language of the Solomon Islands**  
**Buk Baibel long langguis Natqgu**

copyright © 2008 Wycliffe Bible Translators, Inc.

Language: Natqgu (Natügu)

Translation by: SITAG

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2017-11-17

---

PDF generated using Haiola and XeLaTeX on 18 Apr 2025 from source files dated 31 Aug 2023

fb2b7f06-e254-5fb7-b59d-ee21d5d7a93f